

將使漕規日壞一日京儲年減一年今後官軍漕運
務要將糧正耗糧米照數交完不許折收輕賒及中
途糶賣敢有違者軍余欠十石小旗欠五十石總旗
欠一百石以上者俱發邊衛哨瞭百戶欠三百石千
戶五百石指揮欠一千石把總都指揮等官欠三千
石以上者俱革見任帶俸差操不許管軍管事若
總欠數多總督漕運總兵等官另行奏

請發落如此庶得官民兩便而糧餉易完人知警懼而漕
規不壞等因具題奉

聖旨是下年漕運着總督等官嚴加禁約失後閑防不許
官軍仍前作弊欽此

申明侵盜邊境糧草克軍例

成化十一年七月二十八日刑部等衙門尚書等官
董等題為地方事陝西清吏司案呈奉本部送兵
科抄出

欽差巡撫甘肅都察院右副都御史宋英奏將所言應議
緊關事件開坐具本該通政司官奏奉

聖旨該部知道欽此欽遵除運官銀以備邊儲事等件戶
部等衙門抄出另行外內二件嚴法令以革邊倉之
弊安罪囚以省邊數之累抄出送司案呈到部臣等
會同都察院大理寺掌院事太子太保兼左都御史
李等看得巡撫甘肅右副都御史朱英所奏內一
件嚴法令以革邊倉之弊照得陝西布政司帶管甘
肅等一十一倉設在陝西行都司并各衛邊城之內

逐年撥運軍民屯稅與鹽商等糧數十萬計民勞飛
輓歲用不敷又勞運送官銀相兼支給常憂缺乏措
用無由所在虛實安危所係備邊之計爲此爲甚先
關防稽考須用緊密刑罰輕重唯照常例近因訪得
各倉官攢過年通同軍民部運納戶人等虛出盜賣
重冒那移捏卷作弊至難查盤又被奸詐軍舍偽造
倉印虛賣倉申等項奸弊多端所在倉糧有名無實
及因各告事發詢訪所以乃爲設法編定盤糧凡例
一冊抄付委官分投一例查盤得肅州等倉自成化
七年十一月戶部差官主事董齡等查盤之後至今
三年之間又行侵盜倉糧本色折色動計數萬各行
陝西按察司監收倉事姚明追問如律照例監候追
糧完日除犯該受財枉法滿貫絞罪者照例充軍外

其餘犯該監守自盜斬罪以下官攢各擬原籍爲民
所擬罪名雖合律例但各犯俱依監守邊儲官攢其
所侵盜俱係緊用邊儲軍民脂膏飛輓勞費艱難萬
狀今各犯名下侵盜追培多者數千石少者數百石
若照有贓官吏常行事例追發原籍爲民非惟奸貪
得計無以警戒將未抑恐欺弊日生難以關防於後
況今各倉官攢人等不許侵盜本色糧料爲事漸以
侵盜折色銀布爲能意圖事發爲民足以養老之計
且如犯人武忠等將本衛官軍俸月糧支銀布捏作
支銀已將官銀五百餘兩盜分入已見今追出俱係
原贓以此爲民何憂自贍奸貪至此法可輕乎况邊
儲虛實關係不輕軍民飛輓勞費不少尤宜愛惜而
不忍姑容者如蒙乞

勅該部從長定議合無將見監各犯及以後事發官攢侵欺盜賣邊錢倉糧至一百石之上問該監守自盜斬罪監追完日俱照鎮番鎮夷缺軍衛所充軍家口隨往不及百石者常例發落庶使禁令謹嚴而奸貪知懼欺弊可革而邊儲不虧等因查得先為攬納作弊詐支官糧等事該

欽差贊理軍務都察院右副都御史羅篪奏稱湖廣按察司問得犯人陳聰等偽造印信文書盜開官糧動以萬計誠恐各處日後亦有此弊今後遇有前項偽造文書盜支官糧及通同官攢攬納糧米把持打攬倉場者俱問擬明白發極邊地面充軍該都察院看得合雅所言通行在外巡撫巡按布政二司并問刑衙門今後但係邊境倉場遇有前項偽造印信假捏文書

盜支糧米草料及通同官攢作弊并包攬上納等項事發問追明白不分旗舍餘丁吏民人等俱連當房家小發邊遠充軍若係軍人腹裏調發邊衛原係邊衛調發及邊衛分俱當川守墩哨瞭文武職官有犯監候奏

請發落等因成化三年八月十三日該本院右副都御史林聰等具題奉

聖旨是欽此欽遵已經通行在外巡撫巡按并各該問刑衙門一体遵行去後今副都御史朱英又奏前因臣等會議得各邊倉場庫務所畜一應錢糧委係軍民脂膏千難萬苦轉輸到邊專為供給邊士而設預備征調官軍支用奈何有等無知官攢斗庫軍民官舍人等不遵前例蔑視刑憲往往通同侵欺盜賣數多非

特甘肅邊儲被人如廝仍盜至如遼東大同宣府等
處邊儲被人侵盜尤甚誠如本官所言若不通行各
邊嚴加禁約誠恐各處邊儲一旦消耗空虛倘遇警
恩調發軍馬臨敵缺乏候事非水合再申明前例通
行各邊巡撫巡按及問刑衙門并巡撫甘肅右副都
御史朱英將見監犯人武忠等并今後若有偽造印
信假捏文書攬納誑騙把持官廨打攬倉場通同官
攬斗庫人等侵欺虛出盜賣邊境錢糧犯該監守自
盜常人盜滿貫斬絞罪者監追完日不分軍民官吏
舍餘人等俱連當房家小發邊遠充軍若軍人原係
腹裏者調發邊衛原係邊衛者調發極邊衛分俱常
川守哨文武職官有犯議擬監候奏
請處置犯議流罪以下常例發落如此則奸頑之徒知所

警懼而侵盜之弊可漸革矣具題奉

聖旨准擬欽此